

大理縣志稿卷之八

武備部一

周制因井田定軍賦兵馬甲卒調自民間卽寓有按戶徵兵主義春秋以降井田旣壞地產不均徵調亦非舊制其後管子師周官遺意用軌里連鄉以霸齊商鞅定什伍之法兵農並興以強秦周制猶未盡湮秦并海內易徵調爲招募後世因之兵農一分而不可復合其始也兵出力以衛民民出粟以養兵及其久也兵糜饟而游惰民供億而宴安與外族競未有不劣敗者今懲滿清弊政漸知改良誠能人人振袂奮興實行軍國民教育合士農工商之人材皆出自學校卽皆

有當兵義務滇介在英法兩強邊釁一開吾邑尤當其衝非人人知兵烏足以圖存禁讎戢奸自強尙武由箇人而一邑爲全國模範皆所有事也因志歷代開殖斯土戢定暴亂之軍事與備戰之籌畫而以南詔兵制地方警察附焉志武備兵制

漢軍制 漢武帝時蜀人司馬相如奉檄通西南夷置犍爲越嶲益州牂柯四郡郡置一守有郡尉都尉等官佐之典武職掌兵馬兵制卽始於此案葉榆屬益州郡兵制未有專司僅得述其概焉

隋軍制 隋書州置總管者列爲上中下三等總管刺史加使

持節按總管掌兵官也然兵制亦未詳焉

唐軍制 天寶元年置十節度經略使以備邊劍南節度使西

控吐番南撫蠻獠治益州兵三萬九千人大理亦類屬焉

南詔兵制附

南詔割據稱雄其兵制本不必紀然滇自唐天寶後迄於蒙古元憲中間五百餘年不通中國雖郭松年等稱其典章制度符漢威儀仍無足稱於文獻而其人民驍勇敢戰長於用武誠亦有足多者今附錄於唐後僮亦爲攷古者之所不廢云 樊綽蠻書 南俗務農田菜圃戰鬪不分文武無雜色役每每有徵發但下文書與村邑里人旬日間可集數萬兵

也其兵仗人各自齎更無官給百家以上有總佐一千人以上有理人官一萬人以上有都督遞相管轄每家有壯丁皆定爲馬軍各據邑居遠近分爲四軍以旗幡色分爲東西南北四面各置一將或管千人或管萬人人四軍將統之遇有盜賊入界卽罪其屯所之將

選軍階級 由鄉兵選入者稱羅苴子四軍苴子戴光兜鍪負犀皮銅股排跣足歷險如飛每百人置羅苴佐一人管之由羅苴中揀一人爲負排無員數南詔及諸鎮大軍將起坐不相離捍蔽者皆負排焉

大軍將一十二人與清平官同列每日見詔議事出則領要

害城鎮稱節度

(又)凡試馬軍須得有五次上先射中片板爲一次上其次中雙庶子爲一次上又四十步外走馬撝頰柱中斗子爲一次上又盤鎗百轉無失爲一次上又能算能寫爲一次上試過方有優給(撝音同括義同擲斗音斗)

步卒亦須得五次上法於點蒼山頂立旗先上到旗下爲一次上又越過一丈三尺坑爲一次上又於急流逆水上浮三千尺爲一次上又弄劍爲一次上又負一石五斗米行四十里爲一次上以上一一試過得上次者方補羅苴也

南詔監軍之制 每戰皆遣清平官或腹心一人在軍前監

視有用命不用命及功大小先後一一詳記歸具白南詔憑此定賞罰軍將犯命杖或五十或一百更重者徙瘴地諸在職之人皆以戰功褒貶黜陟

蒙古元置大理上下二萬戶太和上下三千戶屬焉上萬戶府管軍七千以上中萬戶管軍五千以上下萬戶管軍三千以上俱從三品虎符其官皆世襲有功則陞之每府設經歷一員知事一員提控案一員上千戶管軍七百以上中千戶管軍五百以上下千戶管軍三百以上中統四年置大理元帥府命昔撒任之總制鬼國大理兩路

明衛所兵制 雲南通志謹案明掌兵官分衛所鎮戍兩途舊

志以鎮戍居前衛所居後者明初專設衛所官後乃設鎮戍官則言明兵制自當以衛所爲主不得居後也（明史兵制）明以武功定天下革胡元舊制自京師達於郡縣皆設衛所內統之都司外統於都督府洪武十五年設雲南都指揮使司都指揮使領衛二十守禦千戶所十有九土守禦千戶所一大理衛洱海衛屬焉各衛所三分馬步旗軍一萬七千五十四名七分屯軍二萬八千三百九十名舍丁一萬六千七百三十六名軍餘一十四萬四千九百一十二名十六年設大理衛指揮使司指揮二員同知五員僉事十一員經歷司經歷一員知事一員鎮撫司鎮撫一員千戶所十正副千戶

六十九員百戶二十九員三分馬步旗軍六百三名七分屯  
軍一千一百四名軍餘一萬三百一十四名十六年設洱海  
衛指揮使司指揮使四員同知二員僉事七員經歷司經歷  
一員知事一員鎮撫司鎮撫一員千戶所六正副千戶二十  
五員百戶六十五員三分馬步旗軍一百二十三名七分屯  
軍七百六十三名舍丁九百一十名軍餘七千三百三十八  
名鎮戍官 明會典凡天下要害皆設官統兵鎮戍其總鎮  
一方者鎮守守一路者曰分守獨守一城一堡曰守備與主  
將同守一城曰協守其總鎮或掛將軍印或不掛印皆曰總  
兵次曰副總兵又次曰叅將又次曰遊擊將軍舊於公侯伯

都指揮等官內推舉充任 謹案鎮戍官明初無有洪宣以後以次遞設然亦非如衛所官之布滿天下厥後時勢遷流鎮戍官漸重而衛所漸輕舊志以此冠衛所之前又易其名爲管兵官亦非確鑿蓋明季管兵其官乃衛所非鎮戍也今仍其名曰鎮戍庶合其舊云

文臣監督 明會典 國初兵事專任武臣後常以文臣監督之文臣重者曰總督次曰巡撫總督舊稱軍門巡撫贊理軍務其按察司官整飭兵備者或副使或僉事或以他官分兼副使僉事兼分巡者稱分巡道兼管糧者稱兵糧道雲南通志 瀾滄兵備道一員駐洱海督大理楚雄姚安蒙

化景東鶴慶麗江永寧鎮沅九府衛所土司兵

滿清之綠營 雲南提督一員節制鎮六駐劄大理府統轄  
本標中左右三營兼轄 雲城守參將 曲尋協副將 武  
定叅將 順雲協副將 楚雄協副將 尋雋叅將 大理  
城守營 提標中軍叅將一員中軍守備一員千總二員把  
總四員外委六員額外外委四員 左營遊擊一員中軍守  
備一員千總二員把總四員外委六員額外外委四員 右  
營遊擊一員中軍守備一員千總二員把總四員外委六員  
額外外委四員三營兵共一千八百八十四名（馬兵一百  
四十一名步兵一千四百八十五名守兵二百二十三名）

康熙元年設提督親標中左右三營各遊擊以下將領八員兵共三千名 十五年改提標中營遊擊爲叅將（舊雲南通志戰兵初設九百名康熙四年裁去三百名僅存六百名步戰兵初設二千一百四十名裁去六百名僅存一千五百名守兵九百名康熙四年裁戰兵爲守兵）二十四年增設提標前後二營各遊擊以下將領八員兵各一千名合原設中左右三營爲五營共叅將以下將領四十員兵五千名（至乾隆三十五年）前後二營復裁三十一年設大理城守營都司一員駐劄大理府轄本標中軍守備一員千總三員把總四員外委六員額外外委四員兵一千名

綠營兵制之裁汰 提標中軍額設參將以下各員弁兵丁經歷年迭次減裁至光緒二十九年各營汛全裁各營兵按年遞減三成三十四年自遊擊以下官弁一律全裁提督叅將二員仍舊留存兵二百二十名（民國元年）全裁滿清之綠營至此告終

按綠營兵制自康雍迄嘉道間各營多寡增減不一握兵柄者又從而侵沒之或以空名冒兵餉或以老弱充兵數卽名載兵籍身列戎行者亦閒散而流爲鹵博習於尪羸迨至咸豐江南軍興以綠營兵不足恃乃召練勇以從攻戰雲南師仿其義以行雖藉以弭一時之亂然以若輩招

自遊閒勢成烏合亂定後恃勢驕橫地方居民時不免於滋擾至同光間乃漸裁練勇而設防軍亦不過易其名而不能責其實自是以守望城堡屬綠營分佈要隘責防軍滿清之防軍 防軍起自同治間曾李用湘淮兩軍蕩平巨患事定後即以所部將弁兵丁分布沿江數省駐守要隘謂之防軍吾滇用兵十餘年皆用練軍餉糈責民供億亂定後簡料不足用者汰之其可用者亦編爲防軍大理防軍始於李應舉之副右營蔡標擢提督編錦字五營旋改爲建威中左右三營每營中左右前後五哨每哨六棚每棚什長一名

正兵九名名伙夫一名今舉一營之制如下

管帶一員（一營五哨）哨官五員（一哨六棚）文牘一員  
司書五名 號護目各一名 號兵四名 護兵十六名  
什長二十四名 正兵二百一十六名 伙夫二十四名  
蔣宗漢署雲南提督又更名曰義字營民國成立之前數年  
又有常備續備巡防等名焉

## 陸軍

滿清之陸軍 雲南陸軍自光緒三十三年改新軍而編制  
之初成一鎮每鎮步隊二協每協二標以一標分駐大理至  
三十四年十月大理一標成立焉每標三營每營前左右後

四隊每隊三排每排三棚每棚目兵十四名一標合計目兵一千五百一十四名

軍官軍佐表如左

標部 統帶官一 教練官一 執事官一 掌旗官一

副軍需官一 副軍械官一 副軍醫官一 副馬醫官一

司號長一 二等書記官二 司書生二 弁目一 馬弁

四 護目兵丁八 伙夫二 騎馬五匹

營部 (每標分三營每營分前後左右四隊每隊三排每排

目兵十四名) 管帶一 督隊官一 隊官四 排長十二

司務長四 正目三十六名 副目三十六名 正兵一百

四十四名 副兵二百八十八名 軍需長一 軍醫長一  
醫生一未設 書記長一 司書生六 號目一 號兵八  
護目一 護兵十八 匠目一 槍匠四 皮匠四 醫兵  
四 備補兵二百六名 伙夫三十八 喂養夫四  
民國駐榆陸軍 七十六標改稱第七聯隊復改第四團 雲  
南第二師師長司令部設於舊提署 (自辛亥年冬月至民  
國元年五月撤) 旅長統轄第四五團兼轄第一二三七  
等五營國民軍兼攝鶴慶麗江營務統部 (於舊提署民國

二年四月設)

警察

滿清之巡警自光緒三十一年創始久未成立至三十二年  
速成警察畢業生回榆改良警務改營兵爲警士以粗通文  
字略明警章者充之每日站岡若干時訓話若干時是吾邑  
警務之萌芽自此始前此雖名曰警察其行爲與練勇差役  
無以異也設正巡長一員 副巡長一員 一等巡目二名  
二等巡目二名 三等巡目二名 警士六十名分六棚  
局設城西火神廟是年九月被撤知縣楊椿林又委縣典史  
兼辦設警兵十名什長一名 知府鄒志清更由府稅撥提  
欸項另設府警察兵十名 知府陳先沅取消府縣分設之  
警局就五華樓設總巡局巡長王國武警兵二十名宣統元